



## **KOMUNIKADU DE-IMPREZA**

### **Primeiru Minister RDTL Lansa Moeda foun 200 Centavos**

Dili, 13 setembru 2017

Sua Exelénsia Primeiru Ministru, Dr. Rui Maria de Araújo, lansa oficialmente Moeda foun 200 Centavos iha seremónia ne'ebé realiza iha sede Banco Central de Timor-Leste (BCTL).

Primeiru Ministru, kongratula Banku Sentrál ba susesu hodi introdús moeda foun 200 Centavos. Aleinde-ne'e mós, Primeiru Ministru rekoñese Banku Sentrál hanesan entidade publika ne'ebé halao nia kna'ar ho profesionálistu.

Governadór Banku Sentrál, Sr. Abraão de Vasconcelos, iha ninia diskursu informa katak Moeda 200 Centavos iha valór hanesan dolar amerikanu rua (US\$ 2) no sei sirkula iha merkadu Timor-Leste ba uzu públiku imediatamente.

Moeda 200 Centavos apresenta imajen karau-Timur iha natar laran no Foho Matebian hosi kotuk. "karau-timur"no "háre"parte hosi kultura povu timor-oan nian no representa mós kona-bá importánsia agrilultura iha ita nia ekonomia nasionál no riku soin. Foho Matebian hanesan ultimu redutu ba kombatente rezisténsia sira, ne'e duni hili foho matebian, parte hosi ita nia istória no hanesan tributu ba ita nia maluk-sira ne'ebé luta no sakrifika sira nia vida ba ita-nia independénsia.

Governador de Vasconcelos hateten katak moeda 200 Centavus mak ho denominasaun aas iha familia moeda ne'ebé sirkula iha país ne'e espera sei gradualmente troka osan tahan dolar amerikanu lima (US\$5), tanba osan tahan aat lalais iha klima tropíku, liu-liu bainhira ita utiliza beibeik.

Seremónia lansamentu moeda foun 200 Centavos hetan partisipasaun hosi Primeiru Ministru, Dr. Rui Maria de Araújo, Vise Prezidente Parlamento Nasionál, Sr. António Verdial, Prezidente Tribunál de Rekursu, Sr. Deolindo dos Santos, Eis Prezidente RDTL, Dr. José Ramos Horta, Eis Prezidente Parlamentu Nasionál, Sr. Vicente Guterres, Vice Ministra Edukasaun, Sra. Dulce Soares no Sekretária Estadu ba Apoiu Promosaun Sosiu-Ekonómiku ba Feto, Sra. Veneranda Lemos Martins.

[Remata]